



CCOO INFORMA 10/24

COMPENSACIÓN POR GASTOS DE DESPRAZAMENTO, ALOXAMENTO E MANUTENCIÓN NO ÁMBITO DO SERGAS

En qué consiste?

Na compensación dos gastos derivados dos traslados de persoas usuarias do SERGAS por motivos diagnósticos ou terapéuticos, cando non estea prescrito o transporte sanitario por ambulancia.

Quen se pode beneficiar?

As persoas usuarias que dispoñan de tarxeta sanitaria en vigor do SERGAS con desprazamento autorizado a outro centro sanitario con fins asistenciais por criterio médico. Poderá beneficiarse tamén unha soa persoa acompañante por solicitude do/da paciente nos seguintes casos:

- a) Pacientes menores de dezaioito anos.
- b) Pacientes maiores de idade que dispoñan de medidas de apoio para o exercicio da
- c) súa capacidade xurídica e toma de decisións.
- d) Pacientes cun grao de discapacidade recoñecido igual ou superior ao 65 %.
- e) Pacientes non incluídos/as nas letras anteriores, que se encontren nunha situación clínica que requira realizar o desprazamento con persoa acompañante, necesidade esta que deberá ser indicada polo persoal facultativo asistencial.

Na compensación de gastos da persoa acompañante entenderase como orixe o domicilio habitual do/da paciente.

Requisitos para beneficiarse da axuda

A necesidade do desprazamento, así como as súas condicións, será indicada polo/a médico/a do SERGAS responsable do/da paciente ou autorizada polo órgano competente en materia de asistencia sanitaria no caso da segunda opinión.

O/a paciente poderá solicitar a compensación dos gastos no seguintes supostos:

- a) Os gastos por desprazamentos que se produzan por diagnóstico ou tratamento dentro da área sanitaria, cando teñan a súa causa en:
 1. Tratamentos de diálise, rehabilitación, quimioterapia, radioterapia e outros tratamentos para o cancro.
 2. Outro tipo de tratamentos que precisen realizar un número igual ou superior a 8 asistenciais en períodos de 30 días.
- b) Os gastos por desprazamento, manutención e aloxamento que se produzan por diagnóstico ou tratamento fóra da área sanitaria, fóra da Comunidade Autónoma ou fóra do territorio nacional, nos seguintes casos:
 1. Para diagnóstico, confirmación de diagnóstico ou tratamento dunha enfermidade rara (aquela cuxa prevalencia é inferior a 5 casos por cada 10.000 persoas na Unión Europea).

2. Para o exercicio do dereito a unha segunda opinión médica.
3. Para recibir algún tipo de tratamento que non se realice no hospital de orixe.

Deberán contar necesariamente coa autorización previa da Xerencia da referida área sanitaria ou do órgano competente en materia de asistencia sanitaria, de ser o caso.

Contía da compensación

1. Aboarase unha contía máxima de 0,15 €/quilómetro nas viaxes de ida e volta, desde o lugar de residencia, dende o domicilio habitual do/da paciente ata a localidade onde se reciba a asistencia, con independencia do medio de transporte utilizado.
2. Cando, por indicación clínica, o desprazamento deba facerse en avión, aboarase a contía correspondente ao billete de ida e volta do/da paciente e, de ser o caso, da persoa acompañante, sempre en clase turista e cun importe máximo de 300 € por persoa.
3. Aboarase a contía dos billetes de ida e volta en autobús ou ferrocarril cando o importe sexa inferior ao do punto 1 (tamén para a persoa acompañante).
4. No caso da persoa acompañante só se aboará a compensación correspondente a un desprazamento de ida e outro de volta por cada ingreso hospitalario.
5. Cando a persoa usuaria modifique o medio ou as condicións de transporte autorizado, aboarase a contía correspondente ao medio autorizado pola área sanitaria, salvo que o gasto que asuma o paciente for por un importe menor.
6. A compensación por gastos de manutención e aloxamento aboarase segundo o importe destes que figure en factura, cunha contía máxima de 30 € por persoa e día sempre que a localidade onde estea situado o centro sanitario de destino diste máis de 100 km do hospital de orixe ou que teña que recibir un mínimo de dúas asistencias hospitalarias cun intervalo non superior a 24 horas que o/a obrigue a permanecer na área sanitaria do hospital de destino. A contía máxima por persoa e mes será de 450 €.

Solicitudes

A solicitude presentarse preferiblemente por vía electrónica a través do formulario normalizado (anexo I) dispoñible na sede electrónica da Xunta de Galicia: <https://sede.xunta.gal> (opcionalmente, poderase presentar presencialmente en calquera dos lugares e rexistros establecidos na normativa reguladora do procedemento administrativo común).

Para a presentación electrónica poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluíndo o sistema de usuario e clave Chave365 (<https://sede.xunta.gal/chave365>).

Para o caso de falecemento da persoa titular da axuda, poderá presentar a solicitude a persoa que acredite, segundo corresponda, o dereito á axuda ou o reintegro.

Prazo de presentación de solicitudes

O prazo de presentación será dun ano, contado desde a data do desprazamento, e dirixirse á Xerencia da área sanitaria de referencia do/da paciente.

Máis información

DOG núm. 34, venres 16 de febreiro de 2024:

https://www.xunta.gal/dog/Publicados/2024/20240216/AnuncioC3K1-120224-0001_gl.pdf (código de procedemento SA462D).